



**TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
Minggu XII Dob Trinitatis, 30 AGUSTUS 2020**



TOPIK: "Monang Manlawan Kuasa Hagolapan"

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>

1. Votum – Introitus – Tonggo

P. Riap ma hita jongjong!

Ibagas Goranni Naibata Bapa, pakon Tuhan Jesus Kristus ampa Tonduy Na Pansing, Sitompa Langit pakon tanoh on. Amen.

Domma ipabotohkon bam ale jolma, barang aha na madear ampa barang aha na pinindahan ni Jahowa humbam, aima na mangkorjahon hasintongan ampa na mandalankon halayakon anjaha na marparlahou ibagas toruh ni uhur i lobei ni Naibatamu. (Mika 6:8). Haleluya, haleluya, haleluya.

K. Mandodingkon: Haleluya, haleluya, haleluya.

P. Martonggo ma hita:

Ham Tuhan Naibata, pargogoh na so tarimbang janah paridop ni uhur na tarsulur. Ihasiholhon uhur-Mu do manggoluh hanami ibagas hatuahon-Mu. Domma bagei dalam ibahen Ham mamuhoi uhurnami ase itandai hanami harosuh ni uhur-Mu. Martoruh ni uhur do hanami nuan mangindo hu Bamu, bere Ham ma Tonduy Na Pansing in bannami, ase porsaya hanami bani holong-Mu na gabe harorohan ni malas ni uhur pakon hatuahon. Marhitei Jesus Kristus Tuhannami jalo Ham ma tonggonami. Amen. (*hundul kuria*).

2. Mandoding 304. Sada Goran na Majenges (1+4)

1. Sada goran na majenges humbai ganup goran in Goran ni Tuhanta Jesus in do sijengesan in Goran-Mu o Tuhan sai dodingkononku in Goran-Mu Jesuskin na pamalum uhurhin

4. Sai dodingkon ma Goran-Ni, laho manaksihon in Paima das hita hu surga, lao manombah Tuhan in Goran-Mu, O Tuhan sai dodingkononku in Goran-Mu, Jesuskin na pamalum uhurkin

3. Hasasapan ni Dousa

P. Riap ma hita jongjong

Martonggo ma hita, sopotkon hita ma dousanta hubani Tuhan Naibata. Ham Jesus Kristus Tuhan na pansing anjaha na dob papansingkon hanami. Na mangaku do hanami, gati do lang ihargahon hanami hapansingon na dob ilayakkon Ham bannami marhitei goluh na ibagas habutakon. Pangkorhon ni hamajuon ni jaman, lambin marbagei do horja-horja hadousaon na lang pitah parsedahon hauhuron tapi dihut do mangkorhon naboritni pardagingon. Lambin buei ma homa na lang mangkargahon angkulani marhitei horja panriah-riahon, mangindahi hasonangan marhitei na mamakei narkotika pakon obat terlarang, mambahen madabuh hubani naborit na mabajan. Holong ma atei-Mu, sasap Ham ma dousanami, urasi janah iankon Ham ma uhurnami marhitei Tonduy-Mu ase lambin manggoluh ibagas hapansingon. Ham Tuhan holong-Mu tumang do na iarapkon hanami bani pangindoannami on. Amen.

P. Tangar hita ma hatani Naibata, bagah–bagah pasal hasasapan ni dousa. Tapi anggo marparlahou hita i bagas haliharon, songon la ibagas na liar in, saor do hita sama hita, anjaha i paborsih daroh ni Jesus, Anak in do hita humbani sagala dousa. Hasangapon ma bani Naibata i babou!

K. *Amen.* (hundul kuria)

4. Mandoding 380. Marhasoman Jesus (1+2)

1. Marhasoman Jesus, marhasoman Jesus, sai monang hita on. Marhasoman Jesus, marhasoman Jesus, talu sibolis in Marhasoman Tuhan Jesus; hita monang do tongtong. Marhasoman Tuhan Jesus, sai monang hita on.

2. Anggo Tuhan Jesus, anggo Tuhan Jesus, hasomankin tongtong . Ningon do maporus, ningon do maporus, sibolis munsuh in. Tuhan Jesus hasomanta, lao mangimbang dousa in. Ase saud sonang hita, ronsi sadokahnin .

5. **Manaksihon haporsayaan**

P. **Riap ma hita jongjong**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on.

- K. Ahu porsaya bani Naibata Bapa, Pargogoh na sop tarimbang, na manompa langit pakon Tanoh on. Ahu porsaya bani Jesus Kristus, Anak ni Naibata na sasada in, in do Tuhan ta, na tinubuhkon ni si Maria sanggah nape haliaban, marhitei Tonduy Na Pansing. Na manaron na parngit, bani panorang ni si Pontius Pilatus, iparsilangkon, matei anjaha i tanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei.

6. **Tingting + Tonggo Pangapition**

7. **Mandoding 453. Pitah Ham Tuhan (1-3)**

1. Pitah Ham Tuhan, hatundalan na toguh.
Humbai ganup paruntolon na itanoh on.
Bani haganup pardalanan, pitah Ham panjaga na gogoh.
Ondos ma Tuhan, hanai on nuan, 'se torsa sadokah goluh on.

2. Tonduy Na Pansing, bere Ham bannami on.
Sai useihon Ham bai uhurnami 'se sintong
Ase dong pargogoh manlawan, kuasa ni dunia na bajan
Ondos ma Tuhan, hanai on nuan, 'se torsa sadokah goluh on.

3. Bohi pe minar, megah tong halani Ham.
'Ge gilumbang roh mandorap goluhnami in.
Bani haganup parsahitan, hata-Mu do tambar na gogoh.
Ondos ma Tuhan, hanai on nuan, 'se torsa sadokah goluh on.

8. **Ambilan: 5 Musa 18:9-14**

9. **Manggalang: (Roh ma na patumpuhon galangan hu lobei.)**

P. Paima iondoskon hita galanganta, tangar hita ma lobei hata ni Naibata na gabe onjolan banta Laho manggalang, aima na tarsurat bani: Psalmen 96:8,
"Bere nasiam ma bani Jahowa hamuliaon ni goran-Ni, boan nasiam ma

galangan, masuk ma nasiam bani alaman-Ni." Sonari patumpu hita ma galanganta

10. **Tonggo Galangan – Panutup – Pasu-pasu:**

P. **Riap ma hita jongjong.**

Martonggo ma hita mangondoskon galanganta hubani Naibata!
Ham Tuhan Naibata, pardear layak janah na unjah hu bennami.
Tarimakasih ma hatahononnamami hu Bamu, halani tongtong do ipasu–pasu Ham goluhnami. Domma ihasomani Ham hanami janah i pasu–pasu Ham horja nami das hubani sadarion. Sonari ibagas malas ni uhur roh do hanami mangondoskon buah ni horja na dob pinasu-pasu-Mu in gabe galangan hatarimakasihon pakon puji–pujian nami hu Bamu. On pe sai jalo Ham ma galangan nami on, bahen hasangapon ni goran-Mu pakon pabolagkon harajaon-Mu i dunia on. Ibagas goran-Ni Anak-Mu Jesus Kristus Tuhan nami, jalo Ham ma tonggo nami on. Amen.

K. **Mandodingkon Haleluya No. 340:1**

Huondoskon bani Jesus haganupan diringkon
Ia do pasangaponku sadokah bai goluhkon
Huondoskon ma, huondoskon ma.
Bani Jesus Sipaluah, huondoskon ma

11. **Tonggo Ham Bapa Nami**

P. Ham Bapa nami na i nagori atas, sai napapansing ma goran-Mu, sai roh ma harajaon-Mu, sai saud ma harosuhni uhur-Mu i nagori tongah on songon na i nagori atas. Bere Ham ma bennami sadari on hagoluhan ari–ari. Sasap Ham dousa nami songon panasap nami bani dousa ni hasoman na mordousa dompak hanami. Ulang hanami bobai Ham hu parlajouan. Paluah Ham ma hanami humbani pangagou!

K. (mandodingkon) Ai ham do simada harajaon, pakon hagogohon ampa hasangapon sadokah ni dokahni. Amen.

12. Pengutusan:

- P. Laho ma nasiam, janah papansing nasiam ma Kristus Tuhan in ibagas uhur nasiam, tongtongma nasiam sirsir patorangkon bani haganup halak na manungkun nasiam pasal onjolan ni pangarapan nasiam.
- P. Jalo ham (hita) ma pasu–pasu humbani Tuhan Naibatanta:
Ipasu–pasu anjaha iparorot Tuhan Naibata ma ham/hita. Isondangkon Tuhan Naibatama bohin-Ni hu bamu/hu banta janah maidop ma uhur-Ni mangidah ham/hita. Idompakhon Tuhan Naibata ma bohi-Ni hu bamu/hu banta, janah ipasorap ma damei-Ni bani tonduymu/tonduyta bei. Amen.

K.(Mandodingkon) Amen...Amen...Amen....